

木宗女耆域因緣經

二百五十六
辭八

佛說奈女耆域因緣經

後漢安世高譯

如是我聞一時佛在羅閱祇國與大比丘千二百五十人俱菩薩摩訶薩天龍八部大眾集會說法時世人民施者無量有一貧人唯有一爛壞手巾意欲布施懼此物惡猶豫未

決尔時坐中有二比丘尼名曰奈女即從坐起整服作禮長跪叉手白佛言世尊我自念先世生波羅奈國為貧女人時世有佛名曰迦葉時與大眾圍遶說法坐聞經歡喜意欲布施願無所有自惟貧賤心用悲感詣他園園求乞果蔬當以施佛時得一奈大而香如

擎一盃水并柰一枚奉迦葉佛及諸衆僧佛
知至意呪願受之分布水柰一切周普緣此
福祚壽盡生天得爲天后下生世間不由胞
胎九十一劫生柰華中端正鮮潔常識宿命
今值世尊開示道眼介時柰女以偈頌曰

三尊慈潤普

慧度無男女

水果施弘報

緣得離衆苦

在世生華中

上則爲天后

自歸聖衆祐

福田最深厚

比丘尼柰女禮已還坐

佛在世時羅耶黎國國王苑中自然生一柰樹
枝葉繁茂實又加大既有光色香美非凡王寶
愛此柰自非中宮尊貴美人不得啖此柰果

國中有梵志居士財富無數一國無雙又聰明博達才智超群王重愛之用爲大臣請梵志飯食食畢以一柰實與之梵志見柰香美非凡乃問王曰此柰樹下寧有小栽可得乞不王曰大多小栽吾恐妨其大樹輒除去之卿若欲得今當相與即以一柰栽與梵志梵

志得歸種之朝夕澆灌日日長大枝條茂好三年生實光彩大小如王家柰梵志大喜自念我家資財無數不減於王惟無此柰以爲不如今已得之爲無減王旣取食之而大苦澀了不可食梵志大愁惱乃退思惟當是生無肥潤故耳乃提取百牛之漚以飲一牛復

取一半漚煎之爲醍醐以灌柰根日日灌之
到至明年實乃甘美如王家柰而樹邊忽復
生一瘤節大如手拳日日增長梵志心念忽
有此瘤節恐妨其實適欲斫去恐復傷樹連
日思惟遲徊未決而節中忽生一枝正指上
向洪直調好高出樹頭去地七丈其杪乃分
作諸枝周圍傍出形如偃蓋華葉茂好勝於
本樹梵志怪之不知枝上當何所有乃作棧
閣登而視之見枝上偃蓋之中乃有池水旣
清且香又有衆華彩色鮮明披視華下有一
女見在池水中梵志抱取歸長養之名曰柰
女至年十五顏色端正天下無雙宣聞遠國

有七國王同時俱來詣梵志所求娉柰女。爲夫人梵志大恐怖不知當以與誰。乃於園中架一高樓以柰女著上。出謂諸王曰：此非我所生，自出於柰樹之上。不知是天龍鬼神女耶？鬼魅之物？今七王俱來求之，我設與一。生六王當怒不敢愛惜也。女今在園中樓上。諸王便自平議有應得者，便自取去，非我所制也。於是七王口共爭之，紛紜未決。至其夕，夜泚沙王從伏竇中入，登樓就之，共宿。明晨當去。柰女白曰：大王幸枉威尊，接待於我，今復相捨而去。若其有子，則是王種。當何所與？王曰：若是男兒，當以還我；若是女兒，便以與我。

汝王則脫手金鑲之印以付柰女以是爲信
便出語群臣言我已得柰女一宿亦無奇異
故如凡人故不取耳泚沙軍中皆稱萬歲曰
我王已得柰女六王聞之便各還去
泚沙王去後遂便有身時柰女勅守門人言
若有求見我者當語言我病後日月滿生一
男兒顏貌端正兒生則手持針藥囊梵志曰
此國王之子而執醫器必醫王也時柰女即
以白衣裹兒勅婢持棄著巷中婢即受勅抱
往棄之時王子無畏清且乘車往欲見大王
遣人除屏道路時王子遙見道中有白物即
往車間傍人言此白物是狗等答言此是小

兒問言死活荅言故活王子勅人抱取是覓
乳母養之以活梵志將此小兒還付柰女名
曰耆域至年八歲聰明高才學問書跡越殊
倫匹與隣比小兒遊戲心常輕諸小兒以不
如已諸兒共罵之曰無父之子姪女所生何
敢輕我耆域愕然默而不荅便歸問母曰我
視子曹皆不如我而反罵我言無父之子我
父今者爲在何許母曰汝父者正泝沙王是
也耆域曰泝沙王乃在羅閱祇國去此五百
里何緣生我即如母言何以證之母則出印
鏤示之曰此則汝父鏤也耆域省之見泝沙
王印文便奉持此鏤往到羅閱祇徑入宮門

門無訶者即到王前為王作禮長跪白王言
我是王子柰女所生今年八歲始知是大王
種類故持鐐印信遠來歸家王見印文覺憶
昔之誓知其子愴然矜之以為太子沙歷
二年會阿闍貫王生耆域因白曰我初生時
手把針藥囊是應當為醫也王雖以我為太
子非我所樂王今自有嫡子生矣應襲尊嗣
我願得行學醫術王則聽之王曰汝不為太
子者不得空食王祿應學醫道王即命勅國
中諸上手醫盡術教之而耆域但行嬉戲未
嘗受學諸師責謂之曰醫術鄙陋誠非太子
至尊所宜當學然大王之命不可違廢受勅

已來積有日月而太子初不受半言之方若
王問我我何以對耆域曰我生而有醫證在
手故白大王捐棄榮豪求學醫術豈復懈怠
須師督促直以諸師之道無足學者故耳便
取本草藥方針脉諸經具難問師師窮無以
答皆下為耆域作禮長跪叉手曰今日益知
太子神聖實非我等所及也向所問諸事皆
是我師歷世疑義所不能通願太子具悉說
之開解我曹生年之結耆域便為解說其義
諸醫歡喜皆更起頭面作禮承受其法
尔時耆域即自念言王勅諸醫都無可學者
誰當教我學醫道時彼聞德义尸羅國有醫

姓阿提黎字賓迦羅極善醫道彼能教我
時耆域童子即往彼國詣賓迦羅所白言太
師我今請仁者以爲師軌從學醫術經七年
已自念言我今習學醫術何當有已即往師
所白言我今習學醫術何當有已時師即與
一籠器及掘草之具汝可於德义尸羅國面
一由旬求覓諸草有非是藥者持來時耆域
即如師勅於德义尸羅國面一由旬求覓非
是藥者周竟不得非是藥者所見草木一切
物善能分別知所用處無非藥者彼即空還
往師所白如是言師今當知我於德义尸羅
國求非藥草者面一由旬周竟不見非藥者

所見草木盡能分別所入用處師荅耆域言
汝今可去醫道已成我於閻浮提中最為第
一我若死後次復有汝

於是耆域便行治病所治輒愈國內知名後
欲入宮於宮門前逢一小兒擔樵耆域望視
悉見此兒五歲腸胃縷述分明耆域心念本
草經說有藥王樹從外照內見人腹藏此兒
樵中得無有藥王耶即往問兒賣樵幾錢兒
白十錢便雇錢取樵下樵置地便閻冥不見
腹中耆域更心思惟不知束中何所為是藥
王便解兩束一一取之以著小兒腹上無所
照見輒復更取如是盡兩束樵最後有一小

枝裁長尺餘試取以照具見腹內者域大喜
知此小枝定是藥王悉還兒樵兒既已得錢
樵及如故歡喜而去

尔時耆域自念我今先當治誰此國既小又
在邊方我今寧可還本國始開醫道於即還
歸婆伽陀城婆伽陀城中有大長者其婦十
二年中常患頭痛眾醫治之而不能差時耆
域聞之即往其家語守門人言白汝長者有
醫在門外時守門人即人白門外有醫長者
婦問言醫形貌何似荅言是年少彼自念言
老宿諸醫治亦不瘥况復年少即勅守門人
語言我今不須醫守門人即出語言我已為

汝白長者長者婦言今不須醫者域復言汝
更白汝長者婦但聽我治若差者隨意與我
物時守門人復白之醫作如是言但聽我治
若瘥隨意與我物長者婦聞已自念言若如
是無所損勅守門人喚入時耆域入詣長者
婦所問言何所患苦荅言患如是如是復問
病從何起荅言從如是如是起復問病來久
近荅言病來介許時彼問已語言我能治汝
彼即取好藥以酥煎之灌長者婦鼻病者口
中酥唾俱出時病人即器承之酥便收取唾
別棄之時耆域見已心懷愁惱如是少酥不
淨猶尚慳惜况能報我病者見已問耆域言

汝愁惱耶。答言實。尔問言何故愁惱。答言我自念言此少酥不淨。猶尚慳惜。况能報我。以是故愁耳。長者婦答言。為家不易。棄之何益。可用然燈。是故收取。汝但治病。何憂如是。彼即治之後。病得瘥。時長者婦與四十萬兩金。并奴婢車馬。時耆域得此物。已還王舍城。詣無畏王子門。語守門人言。汝往白王。言耆域在外守門人。即入白王。王勅守門人喚入耆域。入已前頭。面禮已在一面住。以前因緣具白無畏王子。言以今所得物。盡用上王王子言。且止不須。便為供養已。汝自用之。此是耆域最初治病。

尔時拘睒弥國有長者子輪上嬉戲腸結腹
內食飲不消亦不得出彼國無能治者彼聞
摩竭國有大醫善能治病即遣使白王拘睒
弥長者子病耆域能治願王遣來時泚沙王
喚耆域問言拘睒弥長者子病汝能治不答
言能若能汝可往治之時耆域乘車詣拘睒弥
耆域始至長者子已死伎樂送出耆域聞聲
即問言此是何等伎樂鼓聲傍人答言是汝
所爲來長者子已死是彼伎樂音聲耆域善
能分別一切音聲即言語使迴還此非死人
語已即便迴還時耆域即下車取利刀破腹
披腸結處示其父母諸親語言此是輪上嬉

戲使腸結如是。食飲不消，非是死也。即爲解腸，還復本處。縫皮肉，合以好藥塗之。瘡即愈，毛還生，與無瘡處不異。時長者子即報耆域四十萬兩金，婦亦與四十萬兩金。長者父母亦各與四十萬兩金。耆域念言：夫爲師者，須報其恩。今持二百六十萬兩金與德義尸羅國大師賓迦羅，念已持金詣師，所頭面禮師足，奉上此金。唯願大師哀愍，納受。師曰：便爲供養已，我不須此寶。耆域慙勤，至到賓迦羅，乃受此金。耆域奉辭禮足而去。

介時國中有迦羅越家女，年十五，臨當嫁日，忽頭痛而死者。域聞之，往至其家，問女父曰：

此女常有何病乃致夭亡父曰女小有頭痛疾日月增甚今朝發作尤甚於常以致絕命者域便進以藥王照視頭中見有刺垂大小相生乃數百枚鑽食其腦腦盡故死便以金刀剗破其頭悉出諸垂封著嬰中以三種膏塗瘡一種者補垂所食骨間之瘡一種生腦一種治外刀瘡告女父曰好今安靜慎莫使驚七日當愈平復如故到日我當復來者域適去女母便更啼哭曰我子爲再死也豈有剗破頭腦當復活者父何忍使人取子尔耶父止之曰耆域生而把針藥棄尊榮位行作醫師但爲一切人命此乃天之醫王豈當妄耶

囑語汝言慎莫使驚而汝今反啼哭以驚動
之將令此兒不復得生母聞父言止不復哭
共養護之寂靜七日七日晨明女便吐氣而
寤如從卧覺曰我今者了不復頭痛身體皆
安誰護我者使得如是父曰汝前已死醫王
耆域故來護汝破頭出垂以得更生便開眼
出垂示之女見大更驚怖深自僥倖耆域神
乃如是我促得報其恩父曰耆域與我期言
今日當來於是須臾耆域便來女歡喜出門
迎頭面禮足長跪叉手曰願為耆域作婢終
身供養以報更生之恩耆域曰我為醫師周
行治病居無常處何用婢為汝必欲報恩者

與我五百兩金我亦不用此金所以求者凡人學道法當謝師師雖無以教我我嘗為弟子今得汝金當以與之女便奉五百兩金以_上上者耆域耆域受以與師因白王暫歸省母到維耶黎國介時國中復有迦羅越家男兒好學武事作一木馬高七尺餘日日學習鷲_上初學適得上馬久久益習忽過去失據躡_地而死耆域聞之便往以藥王照視腹中見其_其肝反戾向後氣結不通故死復以金刀破腹_腹手探料理還肝向前畢以三種神膏塗之其一種補手所攫持之處一種通利氣息一種主合刀瘡畢囑語父曰慎莫令驚三日當愈

父承教勅寂靜養視至於三日兒便吐氣而
寤狀如卧覺即便起坐須臾耆域亦來見歡
喜出門迎頭面作禮長跪白言願得爲耆域
作奴終身供養以報再活之恩耆域曰我爲
醫師周行治病病者之家爭爲我使當用奴
爲我母養我勤苦我未有供養之恩報母卿
若欲謝我可與我五百兩金以報母恩於是
取金以上柰女還歸羅闕祇國耆域治此四
人馳名天下莫不聞知

又南有大國去羅闕祇八千里洪沙王及諸
小國皆臣屬之其王疾病積年不差恒苦瞋
恚睨眦殺人入舉目視之亦然佞頭不仰亦

殺使人行遲亦殺疾走亦殺左右侍者不知
當何厝手足醫師合藥輒疑恐有毒亦殺之
前後所殺傍臣宮女及醫師之輩不可稱數
病日增甚毒熱攻心煩滿短氣如火燒身聞
有耆域即爲下書勅併沙王徵召耆域耆域
聞此王多殺醫師大以恐怖併沙又憐其年
小恐爲所殺適欲不遣畏見誅伐父子相守
晝夜愁憂不知何計一此時併沙王乃將耆域
俱往佛所頭面禮足而白佛言世尊彼王性
惡惟恐殺醫師爲可往不佛告耆域汝宿命
時與我約誓俱當救護天下我治內病汝治
外病今我得佛故如本願會生我前此王病

篤遠來迎汝如何不往急往救護之好作方
便令病必愈王不殺汝者域便承佛威神往
到王所診省脉理及以藥王照之見王五藏
及百脉之中血氣擾擾悉是蛇蠱之毒周匝
身體者域白王王病可治治之保愈然宜入
見太后諮議合藥若不見太后藥終不成王
聞此語不解其故意止欲怒然患身病宿聞
耆域之名故遠迎之真必有益且是小兒知
無他姦忍而聽之即遣青衣黃門將入見太
后者域白太后王病可治今當合藥宜密啓
其方不可宣露宜屏左右太后即逐青衣黃
門耆域因白太后向省王病見身中血氣悉

是蛇蠱之毒似非人類王爲定是誰子太后
以實語我我能治之若不語我我則治病不
得愈太后曰我昔於金柱殿中晝卧忽有物
來魘我上者我時恍惚若夢若覺狀如魘夢
遂與通情忽然而寤見有大蠱長三尺餘從
我上去則覺有身王曰是蠱子也我羞耻此
未曾出口童子今乃知之何若神妙當用何
藥耆域曰唯有醍醐耳太后曰咄童子慎莫
道醍醐而王大惡聞醍醐之氣又惡聞醍醐
之名前後出口道醍醐而死者數千百人汝
今道此必當殺汝以此飲王終不得下願更
用他藥耆域曰醍醐治毒毒病惡聞醍醐王

病若微及是他毒爲有餘藥可以愈之蠱毒
既重又已帀身體自非醍醐終不能消今當
煎練化令成水無氣無味王意不覺自當飲
之藥下必愈無可憂也便出見王曰向入見
太后已啓藥方今當合之十五日當成今我
有五願王若聽我病可即愈若不聽我病不
可愈王問五願盡何等事

耆域曰一者願得王甲藏中新衣未歷軀者
與我二者願得令我獨自出入宮門門無呵
者三者願得日日獨入見太后及王后莫得
禁訶我四者願王飲藥當一仰令盡莫得中
息五者願得王八千里白象與我乘之王聞

大怒曰兒子何敢求是五願促具解之若不
能解今捧殺汝汝何敢求我新衣爲欲殺我
便著我衣詐我身耶

耆域曰合藥宜當精潔齋戒而我來日久衣
被皆塵垢故欲得王衣以之合藥王意解曰
如此大佳汝何故欲得自出入官門令無禁
訶欲因此將兵來攻殺我耶

耆域曰王前後使諸師醫皆嫌疑之無所委
信又誅殺之不服其藥群臣皆言王當復殺
我而王病已甚恐外人生心作亂若令我自
入不見禁訶外人大小皆知王信我必服我
藥病必當愈則不敢生逆亂之心王曰大佳

汝何故日日獨入見我母及我婦欲作姪亂耶
耆域曰王前後殺人甚多臣下大小各懷恐
怖皆不願王之安隱無可信者今共合藥因
我願睨之間便投毒藥我所不覺則非小故
思惟可信者恩情無二惟有母與婦故敢入
見太后王后與共合藥當煎十五日乃成故
欲日日入伺候火劑耳王曰大佳汝何故使
飲藥一仰令盡不得中息為欲內毒恐我覺耶
耆域曰藥有劑數氣味宜當相及若其中息
則不相繼王曰大佳汝何故欲得我象乘之
此象是我國寶一日行八千里我所以威伏
諸國正怙此象汝欲乘之為欲盜以歸家與

汝父攻我國耶。

耆域曰：乃南界山中有神妙藥，去此四千里。王飲藥，宜當即得此草，重復服之，故欲乘此象詣往採之。朝去暮還，令藥味相及。王意大解，皆悉聽之。於是耆域煎練醍醐，十五日成，化如清水。凡得五升，便與太后、王、后俱捧藥出。白王可服，願被白象置殿前。王即聽之。王見藥但如水，初無氣味，不知是醍醐。又太后身自臨合，信其非毒，便如本要一飲而盡。耆域便乘象徑去，還羅闕祇國。

余時耆域適行三千里，耆域年小力，膂尚微，不堪疾。迅頭眩疲極，便止息卧。到日過中，王

噫氣出聞醜醜臭便更大怒曰小兒敢以醜
醜中我我怪兒所以求我白象正欲叛去王
有勇士之臣名曰烏神足步行能及此象即
呼烏曰汝急往逐取兒來生將以還我欲目
前捶殺之汝性常不廉貪於飲食故名爲烏
此醫師輩多喜行毒若兒爲汝設食慎莫食
也烏受勅便行及之於山中曰汝何故以醜
醜中王而云是藥王故令我追呼汝還汝急
隨我還陳謝自首庶可望活若故欲走今必
殺汝終不得脫耆域自念我方便求此白象
復不得脫今當復作方便何可隨去乃謂烏
言我朝來未食還必當死寧可假我須臾得

於山間啖果飲水飽而就死乎烏見耆域小
兒畏死懼怖言辭辛苦憐而聽之曰促食當
去不得久留耆域乃取一梨齧食其半以毒
藥著爪甲中以分餘半便置於地又取一盃
水先飲其半又行爪下毒於餘水中復置於
地乃歎曰水及梨皆是天藥既清香且美其
飲食此者令人身安百病皆愈氣力兼倍恨
其不在國都之下百姓當共得之而在深山
之中人不知也便進入山索求他果烏性既
貪不能忍於飲食又聞耆域歎為神藥亦見
耆域已飲食之謂必無毒便取餘梨食盡飲
餘水便下痢痢如注水躡地而卧起輒眩倒

不能復動耆域曰主服我藥病必當愈然今藥力未行餘毒未盡我今往者必當殺我汝無所知起欲得我以解身負故使汝病病自無苦慎莫動搖三日當差若起逐我必死不疑便上象而去

耆域則過墟聚語長伍曰此是國王使今忽得病汝等急往昇取歸家好養護之厚其床席給與糜粥慎莫令死死者王滅汝國語畢便去遂歸本國長伍承勅迎取養護三日毒歇下絕烏便歸見王叩頭自陳曰我實愚癡違負王教信耆域言飲食其餘水果爲其所中下痢三日始今且瘥自知當死比烏還三

日之中王病已瘥王自追念悔遣烏行見烏
來還且悲且喜曰賴汝不即將兒來當我恚
時必當捶殺我得其恩命得生活而反殺之
逆戾罪不細也即料前後所枉殺者悉更厚
葬復其家門賜與錢財思見耆域欲報其恩
即遣使者奉迎耆域耆域雖知王病瘥猶懷
餘怖不復欲往

尔時耆域復詣佛所接足頂禮而白佛言世
尊彼王遣使來喚為可往不佛告耆域汝本
宿命已有弘誓當成功德何得中止今應更
往汝已治其外病我亦當治其內病耆域便
隨使者去王見耆域甚大歡喜引與同坐把

持其臂曰賴蒙仁者之恩今得更生當何以報當分國土以半相與宮中姝女庫藏寶物悉當分半幸願仁者受之

耆域曰我本為太子雖是小國亦有民人珍寶具足不樂治國故求為醫當行治病當用土地姝女寶物為皆所不用王前聽我五願外病已愈今若聽一願內病可復除愈王曰唯聽仁教請復聞一願之事

耆域曰願王請佛從受明法因為王說佛功德巍巍特尊王聞大喜曰今欲遣烏臣以白象迎佛可得致不耆域曰不用白象佛皆一切遙知人心所念但宿齋戒清淨供具燒香

遙請向佛作禮長跪白請佛必自來王如其
言佛明日與千二百五十比丘俱來飯食已
畢爲王說經王意開解便發無上正真道心
舉國大小皆受五戒恭敬作禮而去

又柰女生旣竒異長又聰明從父學問博知
經道星歷諸術殊勝於父加達聲樂音如梵

天諸迦羅越及梵志家女合五百人皆往從
學以爲大師柰女常從五百弟子讚授經術
或相與遊戲園池反作音樂國人不解其故
便生譏謗呼爲姪女五百弟子皆号姪黨又
柰女生時國中復有須曼女及波曇女亦同
時俱生須曼女者生於須曼華中國有迦羅

越家常竿須曼以爲香膏竿膏石邊忽作瘤
節大如彈丸日日長大至如手拳石便卒破
見石節之中有聚聚如熒火射出墮地三日
而生須曼又三日成華華舒中有小女兒迦
羅越取養之名曰須蔓女長大姝好及才明
智慧亞次奈女

介時又有梵志家浴池中自然生青蓮華華
特加大日日長益如五斗瓶華舒中見有女
兒梵志取養之名波曇女長大又好才明智
慧如須蔓女諸國王聞此二女顏容絕世交
來求娉之二女曰我生不由胞胎乃出草華
之中是與凡火不同何宜當隨世人乃復嫁

耶聞柰女聰明容貌絕世無與譬者又生與
我同體皆辭父母往事柰女求作弟子明經
智慧皆勝此五百人

尔時佛入維耶黎國柰女便率將弟子五百
人出迎佛頭面作禮長跪白言願佛明日到
我園中飯食佛嘿然受之柰女還歸辦其供
具佛進入城國王又出宮迎佛禮畢長跪請
佛願明日到宮飲食佛言柰女向已前請王
後之矣王曰我為國王至心請佛必望依許
柰女但是姪女日日將從五百姪弟子行作
不軌何為捨我而應其請

尔時世尊即告王曰此女非姪女其宿命有

大功德已供養三億佛。昔又曾與須蔓女俱
爲姊妹。柰女最大。須蔓次之。波曇最小。生於
大姓家。財寶饒富。姊妹相率供養五百比丘。
尼日日施設飲食。及作衣服。隨所乏無。皆悉
供足。盡其壽命。三人常發誓言。願我後世逢
佛。得自然化生。不由胞胎。遠離穢垢。今如本
願。生值我時。又昔雖供養比丘尼。然其作豪
富家兒。言語憍逸。時時或戲笑比丘尼。曰。諸
道人於悒日久。必當欲嫁。迫有我等供養。檢
押不得。放恣情意。取故今者。受此餘殃。雖日
讀經行道。而虛被誹謗。此五百弟子。時亦并
力相助。供養同心。歡喜今故。會生果復相隨。

耆域介時爲貧家作子柰女供養意甚慕樂
而無資財乃常爲比丘尼掃除潔淨已輒發
誓念言令我掃除天下人身病穢如是快
耶柰女憐其貧窮又加其勤力常呼爲子其
比丘尼有疾病時常使耆域迎醫及合湯藥
曰令汝後世與我共獲是福耆域迎醫所治
悉愈乃誓曰願我後世爲大醫王常治一切
人身四大之病所向皆愈皆宿日因緣今故
爲柰女作子皆如本願王聞佛語乃長跪悔
過却期後日佛明日便與諸比丘到柰女園
具爲說本願功德三女聞經開解并五百弟
子同時歡喜出家修行精勤不懈皆得阿羅

漢道佛告阿難汝當受持爲四衆說莫令斷
絕一切衆生慎身口意勿生憍慢放逸柰女
往昔時調戲比丘尼故今被姪謗汝當修行
身口意業恒發善願聞者隨喜信樂受持莫
生誹謗墮於地獄餘報畜生經百千劫後報
爲人貧窮下賤不聞正法邪見家生恒值惡
王身不具足汝當修行受持讀誦盡未來際
常使不絕

尔時阿難從座而起稽首禮足長跪合掌白
佛言世尊此法之要當名何經佛語阿難此
經名曰柰女耆域因緣經修行法用如上供
養比丘比丘尼施藥迎醫隨喜發誓今獲果

報如是受持佛說經已大眾人民天龍八部
聞佛所說歡喜奉行

佛說柰女耆域因緣經八

辭

果蘇

下郎反 瘤節

古用上音 留福祚

故下才反 啖

淡音 慨

上音 滸

下音 滸

既上古愛反 一注音

字下 澀

凍音 醞

下音 醞

上音 滸

胡

替音篤師範

犯下音 其杪

小下美反 棧閣

晏上助反 求娉

下音 伏竇

豆下音 伏竇

反

反

鬼魅

二下眉反 紛紜

分二字音 泚沙

瓶上音 倫匹

作下俗

正

音

音

嬉戲

之上許反 金鑲

下音 除屏

下音 倫匹

作下俗

正

音

音

隣比

毗下音 愕然

各上吾反 徑入

定上古反 愴然

狀上初反 矜

反

反

反

居陵

闍貴

世下音 嫡子

的

襲音 這適

下詩石反

反

反

塵

鴨音 恍惚

下音 忽

反

其物

擔樵

反

反

反搆 拘 睽 下式 逢 音 倉 古 文 救 鑽 子 官 音 梅 下

頭 眩 縣 下 音 嬰 中 耕 止 一 噫 氣 上 烏 僥 倖 古 上

堯 反 下 廌 上 經 作 偏 誤 反 爰 帝 下 零 探 土 含 料

理 寮 上 音 攬 持 上 縛 反 俱 睨 眦 上 正 作 睡 魚 魚 懈 反 下

厝 手 正 上 七 故 反 封 反 竹 具 訖 省 上 之 息 井 忍 反 反 下 地 薑

芥 下 丑 宜 屏 一 下 音 餅 惡 聞 故 上 反 一 榛 反 蒲 講 魘 夢

上 檢 於 咄 活 二 骨 了 癩 節 留 上 音 軌 反 俱 水 睨 魚 計 伺

候 寺 上 相 反 劑 數 上 去 本 要 邀 下 音 力 脊 呂 下 音 迅 閨 私

反 悒 邑 音 調 戲 上 徒 叛 畔 音 捶 煞 上 之 委 反 閨 私

叩 頭 口 上 音 笮 責 音 杯 同 孟 字 墟 聚 居 上 起 昇 餘 音

糜 粥 碑 上 反 密 反

